

ընդ Զեզ չէինել այսուհետեւ 'ի քաղաքիս եւ արտաքոյ նորին վանս, եկեղեցիս, խուցս եւ խրճիթս կրօնաւորաց՝ մինչ 'ի սահմանս Իսլամաց. հիւրընկալել 'ի վանս մեր զցայգ եւ զցերեկ զԻսլամս բացեալ զդրունս նոցին իբրեւ զհիւրատանց, եւ իւրաքանչիւր նուագի կերակրել զնոսա զերիս գիշերս. չսկսել զգաղտնիս յիսլամաց եւ զլրտեսս 'ի տունս եւ յեկեղեցիս մեր. ոչ ուսուցանել զկուրանն որդւոց մերոց, չյիշել զանուն Երրորդութեան, եւ չհրաւիրել զոք առ այն, չլինել արդել ումեք՝ յորժամ կամովին ընկալցի զԻսլամութիւնն, յառնել յոտն կալ 'ի ժողովոց մերոց 'ի սլատիւ Իսլամաց, եթէ կամիցի նա նստիլ, մի եւ մի իւիք լիցի մեզ նմանել նոցա, 'ի ըզգեստս, 'ի փակեղս, 'ի կոշիկս եւ 'ի վարսս. չխօսիլ զբանս եւ զգաղտնիս նոցին. չնստիլ 'ի թամբեալ երիւվար. չկրել զսուր եւ զայլ գէնս. չդրոշմել 'ի կնիքս գիր Արաբացի. չվաճառել զգինի եւ զայլ ըմպելիս. չթողուլ գանգուր 'ի ճակատս իբրեւ զարդ, որպէս յառաջն. չածել գօտի ընդ մէջ. չդնել Խաչ 'ի վերայ եկեղեցեաց մերոց եւ չհանել զայն յերեւան՝ եւ ոչ մի ինչ 'ի Գրոց մերոց 'ի ճանապարհս եւ 'ի փողոցս Իսլամաց. չհարկանել կոջնակ յեկեղեցիս, բայց եթէ մեզմ եւ սակաւ ինչ. յուղարկաւորութեան մեռելոց չ'աղաղակել բարձր. չդնել զգերիս եւ զաղախինս, որոց յերեսս գծեալ իցեն նշան նետիցն այլազգեաց, եւ չդիտել 'ի տունս նոցին. Զայս դաշինս եղաք ընդ ձեզ ընկալեալ զազատութիւն անձանց, ազգի եւ ժողովրդոց մերոց, եւ յերաշխի կացուցաք եւ զսարտիս հաւատոց մերոց. չանցանել եւ չլուծանել զիրս ինչ 'ի դաշանց աստի. եւ եթէ արասցէ ոք, համարեսցի նա 'ի կարգս ուխտադրութեւ կամակոր ազգին»։ Ընթերցաւ Օմար զգիր դաշանց Քրիստոնէից առաջի գիտնականացն Արաբացւոց, եւ ամենեքեան հաճեցան ընդ այն։

Ոմանք 'ի սլատմագրաց յաւելուն ասել, թէ հրաման ետ Օմար Քրիստոնէից թողուլ գանգուր 'ի ճակատս, եւ նրստիլ յերիւվար կողմնակի, այլ ոչ ըստ օրինակի Իսլամաց, եւ ածել գօտի ընդ մէջս, բայց չմտասել զոք յայլազգեաց։ Յետ այնորիկ առին զօրավարքն զքաղաքս զայսսսիկ զԵմես (Համ), զՀամայ, զԼաւոգիկէ եւ զսահմանս նոցա, զԲե-